

	<p>Objekt: Leni Jöpen E Hobby för et Jüppche</p> <p>Museum: Heimatmuseum Sindorf Digitales Museum 50170 Kerpen 0174 9434873 museum-sindorf@gmx.de</p> <p>Sammlung: Leni Jöpen Sindorfer Mundart</p> <p>Inventarnummer: ST_50002</p>
--	---

Beschreibung

Leni Jöpen | E Hobby för et Jüppche

>>> Zum Starten der Tonaufnahme klicken Sie bitte auf das Foto oder auf "Abrufen des Objektes" unter dem Block "Zitieren".

Dat Jüppche es e Weckelditzje.
Er kriesch zwor allt ens e klein bitzje.
Doch Nüggel un e Schnuffelsdoch
dem Pürschje mietstens sen jenoch.
Bluß Dengsdachovend halver zehn
feng an ze jrönne osse Klein.
De Mamm luurt en et Körvje ren
un sät: „Du moss jetz räuhich sen.
Du hatts die Breiche und deng Fläsch,
he weed sich net mih opjeräch.“
Se määt et Föttche noch ens fresch
un jeit dann wedder en de Köch.
Ne Augebleck hält Jüppche an,
donoh jitter sich schlemmer dran.

De Jroß, die kann dat net jot hüre
un denk: „Wat mag en dann bluß stüre?“
Se flöck nu en et Körvje luurt
un öntlich ihre Klein beduurt.
„Och, Jüppche, Hätzejöngelche,
wat dröck dich dann, mie Pöngelche?
Bestemmp steit dir e Fützje quer,
Nu komm ens bei de Oma her!“

Se klopp em kräftich op et Föttche
un lock et Fütze us em Höttche.
Ne Augebleck hält Jüppche an,
donoh jitter sich schlemmer dran.

Dem Papp schleit dat op et Jemöt.
Et schingk, dat Jüppche nu jet blöht.
Papp well seng Rauh des Ovends han,
dröm flüch hä op et Körvje an.
Er trick dä Himmel flöck zoröck.
Do strahlt et Jüppche voller Jlöck.
Nu kann Papp bluß hätzlich laache:
„Ne Jong, wat mäste dann für Saache?
He häste noch ens denge Nüggel.
Jevv Rauh jetz endlich oss un schnüggel!“
Ne Augebleck hält Jüppche an,
donoh jitter sich schlemmer dran.

Marizelbell kütt jetz eren,
öm ens nohm Bröderche ze sen.
Dat Knaatsche mät em ärsch Verdruss.
„Met dem Jebröll es endlich Schluss.
Ich well jemütlich Musick hüre,
do loss ich mich net jän bei stüre.
Du kleine Schreibalch, haal de Schnüss,
du söns en et Hohndersch küss.“
Mariz driecht de Recorder op.
Dem Jüppche es de Schnuut verstoppp.
Ne Augebleck hält Jüppche an,
donoh jitter sich schlemmer dran.

Jroßvatter kütt an de Reih
un meint: „Wat mähste för Jeschrei?
Deng Lung weed kräftich zwor domet.
Ich feng dat ävver janet nett.
Komm her, trink wat von dem Schabau.
Ich weiß dat nämlich janz genau.
Mer schläft danach schön ruhich ein.
Probeer et ens, mie Juppilein!“
Dä Klein späut flöck dat Körnche fott.
Jroßvatter schreit: „Du leeven Jott!“
Ne Augebleck hält Jüppche an,
donoh jitter sich schlemmer dran.

Dä Pitter kütt nu anjeflitz,

un Jüppche luurt allt janz jewitz.
Hä weefß, dä Broder, der es schlau,
wat mir fählt, ahnt der genau.
Pitter setz en huh em Kesse
und röf: „Dat mööt ehr eijentlich wesse.
Et es doch Dengsdach, halver zehn.
Dä Klein, da well bluß Dallas sehn.“
Däut an de Äujelskess dr Knopp,
un Jüppche hört ze kriesche op.
Er brabbelt jlöcklich: „Da, da, da,
dleich tommt J.A., J.A., J.A.“

Grunddaten

Material/Technik:

Mp3-Datei

Maße:

Ereignisse

Aufgenommen	wann	2019
	wer	Leni Jöpen (1940-)
	wo	Kerpen

Schlagworte

- Jüppche
- Leni Jöpen
- Mundart
- Sindorfer Mundart